



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XCIV. Damnatio librorum: Ragioni del Regno di Napoli [et]c. Considerazioni
Theologico-Politiche [et]c. I. parte.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

nia plenissime suffragari, & ab illis respective in- violabiliter observari: sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus præmissis, ac Constitutionibus, & Ordinationibus Apostolicis, necnon quatenus opus sit, Provincia, & Ordinis hujusmodi, etiam juramento, confirmatione Apostolica, vel quavis firmitate alia roboratis Statutis, & Consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, & ad verbum inseritis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub annulo Piscatoris die VI. Februarii MDCCX. Pontificatus nostri Anno Decimo.

XCIII.

Damnatur, & prohibetur Liber, cujus titulus: *Ragioni a prò della fedelissima Città, e Regno di Napoli &c.*

Const. ed. 1710. Jan. 18. P. 10. damnatus fuit Liber: Traité de la Regale &c. Et Constitutione sequenti damnantur tres Libri de re beneficiaria.

Dat. 17. Febr. 1710. An. 10.

CLEMENS PAPA XI.

Ad perpetuam rei memoriam.

Libri titulus, & ejus censura.

CUM, sicut accepimus, in lucem prodierit Liber quidam Italico idiomate editus, cui titulus: *Ragioni a prò della fedelissima Città di Napoli contra il procedimento straordinario nelle Cause del S. Offizio divise in tre Capi &c.* Et Venerabiles Fratres nostri S. R. E. Cardinales in tota Republica Christiana contra hæreticam pravitatem Generales Inquisitores a Sede Apostolica specialiter deputati, audita Libri hujusmodi censura sibi relata, illum tamquam continentem propositiones falsas, perniciosas, temerarias, seditiosas, erroneas, Ecclesiasticæ Immunitatis, & Jurisdictionis everivas, ad schisma excitandum aptas, Tribunali S. Inquisitionis summopere injurias, hæresim demum sapientes, sive de hæresi suspectas respective prohibendum, & condemnandum esse censuerint. Hinc est, quod Nos creditum Nobis a Domino pastoralis curæ, & vigilantie munus, quantum Nobis ex alto conceditur salubriter exequi cupientes de memoratorum Cardinalium consilio, ac etiam Motu proprio, ac ex certa scientia, & matura deliberatione nostris, deque Apostolicæ potestatis plenitudine supradictum Librum ubicumque, & quocumque alio idiomate, seu quavis editione, aut versione hucusque impressum aut impostum imprimendum tenore præsentium damnamus, & reprobamus, ac legi, seu retineri prohibemus, ipsiusque Libri impressionem, lectionem, retentionem, & usum omnibus, & singulis Christianis fidelibus, etiam specifica, & individua mentione, & expressione dignis sub pœna excommunicationis per contrafacientes ipso facto absque alia declaratione incurrenda, a qua nemo a quoquam præterquam a Nobis, seu Romano Pontifice pro tempore existente, nisi in mortis articulo constitutus, absolutionis beneficium obtinere valeat, omnino interdiciamus.

Damnatio, & prohibitio libri prædicti cum præcepto illum tradendi Ordinariis, vel Inquisitoribus.

§. 1. Volentes, & auctoritate Apostolica mandantes, ut quicumque Librum hujusmodi penes se habuerint, illum statim, atque præsentibus literæ eis innotuerint, locorum Ordinariis vel hæreticæ pravitatis Inquisitoribus tradere, atque consignare teneantur, hi vero exemplaria sibi sic tradita illico flammis aboleri curent. In contrarium facientibus non obstantibus quibuscumque.

§. 2. Ut autem eadem præsentibus literæ ad omnium notitiam facilius perducantur, nec quisquam illarum ignorantiam allegare possit, volumus, & auctoritate prædicta decernimus, illas ad valvas Basilicæ Principis Apostolorum, ac Cancellariæ Apostolicæ, necnon Curia Generalis Montis Cimatorii, & in acie Campi Floræ de Urbe per aliquem ex Curforibus nostris, ut moris est publicari, illarumque exempla ibidem affixa relinqui, sic vero publicatas omnes, & singulos, quos concernunt, perinde afficere, & arctare, acsi unicuique illorum personaliter notificata, & intimata fuissent. Ipsarum autem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eandem profusam fidem tam in judicio, quam extra illud ubique locorum habeatur, quæ haberetur ipsis præsentibus, si forent exhibitæ, vel offensa.

Datum Romæ apud S. Petrum sub Annulo Piscatoris die XVII. Februarii MDCCX. Pontificatus nostri Anno Decimo.

Damnatur, & prohibentur Libri sub titulis: *Ragioni del Regno di Napoli &c. De re Beneficiaria &c. Considerazioni Teologico-Politiche &c. Parte prima.*

XCIV.

Constitutione præcedenti damnatus fuit Liber: Ragioni a prò della Città di Napoli &c. Et Constitutione sequenti denuo damnatur prædictus tertius Liber, & expresse ejus Secunda pars.

CLEMENS PAPA XI.

Ad perpetuam rei memoriam.

Dat. 17. Febr. 1710. An. 10.

CUM, sicut Nobis innotuit, in lucem prodierint nonnulli Libri sub Titulis infra scriptis, videlicet - I. *Ragioni del Regno di Napoli nella Causa de' suoi Beneficii Ecclesiastici, che si tratta nel Real Concilio della Maestà del Rè nuovamente a tal' affare ordinato 18. Giugno 1708.* - II. *De re beneficiaria dissertationes tres, ubi Caroli III. Austr. Hispan. Regis Pii, felicitis Victoris PP. Augustini Editum, quo fructuum capionem in Sacerdotiis externorum, & vagantium Clericorum jubet, tum summo, tum optimo jure recte, atque ordine factum demonstratur. Rex qui sedet in solio Judicii dissipat omne malum intuitu suo. Prov. 20. anno 1708.* - III. *Considerazioni Teologico-Politiche fatte a prò degl' Editti di S. Maestà Cattolica intorno alle rendite Ecclesiastiche del Regno di Napoli, parte prima nell' anno 1708.* Venerabiles vero fratres nostri S. R. Eccl. Cardinales in tota Republica Christiana contra hæreticam pravitatem generales Inquisitores a Sede Apostolica specialiter deputati, auditis Librorum hujusmodi censuris sibi relatis, illos tamquam continentem propositiones falsas, male sonantes, temerarias, seditiosas, erroneas, sedi Apostolicæ injurias, unitatis, & primatus ejusdem S. R. Ecclesiæ everivas, libertatis, & Immunitatis Ecclesiasticæ penitus destructivas, suspectas de hæresi, schismati, & hæresi proximas, imo etiam hæreticas respective, omnino damnandos, & prohibendos esse censuerint. Hinc est, quod

Librorum tituli, eorumque censura.

Damnatio, & prohibitio præd. librorum cum mandato eos tradendi Ordinariis, vel Inquisitoribus.

Clausula.

Nos pro commissa Nobis divinitus gregis Domini cura animarum pretioso Salvatoris, & Domini nostri Jesu Christi Sanguine redemptarum periculis, atque detrimentis, quæ ex eorumdem Librorum lectione, & usu provenire possent, pastoralis sollicitudine quantum cum Domino possumus, occurrere volentes, de memoratorum Cardinalium consilio, ac etiam motu proprio, & ex certa scientia, & matura deliberatione nostris, deque Apostolica potestatis plenitudine, Libros supradictos, & eorum quemlibet, ubicumque, & quocumque alio idioma te, seu quavis editione, & versione hucusque impressos, ac manu descriptos, aut in posterum imprimendos, & describendos, tenore præsentium damnamus, & reprobamus, ac legi, ac retineri prohibemus, ipsorumque Librorum, & eorum cujuslibet impressionem, descriptionem, retentionem, lectionem, & usum omnibus, & singulis Christianis fidelibus, etiam specificis, & individua mentione, & expressione dignis sub pœna excommunicationis per contrafacientes ipso facto absque alia declaratione incurrenda, a qua nemo per quemquam nisi per Nos, & Romanum Pontificem pro tempore existentem, præterquam in mortis articulo constitutus absolvi possit, omnino interdicimus.

§. 1. Volentes, & Apostolica auctoritate præcipientes, ut quicumque Libros prædictos, vel aliquem eorum penes se habuerint illos, seu illorum statim atque præsentibus Literæ ad eorum notitiam pervenerint, teneantur tradere, atque consignare locorum Ordinariis, vel hæreticæ pravitatis Inquisitoribus, qui exemplaria sibi tradita illico flammis aboleri curent. In contrarium facientibus non obstantibus quibuscumque.

§. 2. Cæterum, ut ipsæ præsentibus Literæ omnibus facilius innotescant, nec quisquam illarum ignorantiam allegare valeat, volumus pariter, & auctoritate prædicta decernimus, ut illæ ad Valvas Basilicæ Principis Apostolorum, & Cancellariæ Apostolicæ, necnon Curie Generalis in Monte Citorio, & Acie Campi Floræ de Urbe per aliquem ex Curforibus nostris, ut moris est, publicentur, illarumque exempla ibidem affixa relinquuntur; sic vero publicatæ, omnes, & singulos, quos concernunt, perinde afficiant, & ardeant, ac si unicuique illorum personaliter intimatæ, & notificatæ fuissent; Utque earundem præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem profus fides tam in Judicio, quam extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Petrum sub Anno Piscatoris die XVII. Febr. MDCCX. Pontificatus nostri anno Decimo.

XGV.

Damnatur, & prohibetur denuo liber sub Titulo *Considerazioni Teologico-Politiche &c. Parte prima, & Seconda.*

Hic liber damnatus fuit Constitutione præcedenti sine expressione ejus Secundæ Partis. Et Const. edita 1710 Jun. 6. Pontif. 10. damnantur propositiones excerptæ ex libro, Nouveau Testament &c.

CLEMENS PAPA XI.

Ad perpetuam rei memoriam.

Nuper nos per quosdam nostras in simili forma Brevis literas inter alios librum quemdam Italico idioma conscriptum, & in duas partes divisum sub Titulo - *Considerazioni Teologico-Politiche fatte a prò degl' Editti di sua Maestà*

Libri titulus, censura, ac novæ damnationis causa.

Bullarii Rom. Contin. Pars VI.

Cattolica intorno alle rendite Ecclesiastiche del Regno di Napoli - damnayimus, & reprobavimus, ac legi, seu retineri prohibuimus, & alias prout in scriptis nostris literis die 17. Februarii proxime præteriti expeditis, quarum tenorem, præsentibus pro plene, & sufficienter expresso, ac de verbo ad verbum inserto haberi volumus, uberius continetur.

§. 1. Cum autem in nostris literis prædictis Titulo ejusdem libri ex priori ejus pagina transcripto præter superius relata, etiam adjecta legantur hæc verba - *Parte prima nell' anno 1708.* atque exinde, sicut ad Apostolatus nostri notitiam pervenit a nonnullis dubitatum fuerit, cum libri hujusmodi damnatio, & prohibitio, etiam ad Secundam illius partem anno 1709. ut accepimus, in lucem editam extendatur, seu potius ad primam ejus partem dumtaxat anno 1708., ut præfertur Typis impressam restricta sit: Hinc est quod Nos ex injuncto Nobis cælitus Apostolicæ servitutis munere, quancumque dubitandi ansam hac in re penitus præcidere, animarumque periculis paternam charitatem quantum Nobis ex alto conceditur per amplius occurrere cupientes, de Venerabilium Fratrum Nostrorum S. R. E. Cardinalium in tota Republica Christiana contra hæreticam pravitatem generalium Inquisitorum a Sede Apostolica specialiter deputatorum, qui vere audita alias libri supradicti censura sibi relata, illum non solum quoad primam, sed etiam quoad secundam ejus partem utpote continentem propositiones falsas, temerarias, seditiosas, erroneas, seditiosas injurias, jurisdictionis, & libertatis Ecclesiasticæ destructivas, atque etiam in schisma manifeste tendentes, & hæresi proximas respectivè damnantur, & prohibendum esse censuerunt, consilio, ac etiam Motu proprio, ac ex certa scientia, & matura deliberatione nostris, deque Apostolicæ potestatis plenitudine librum prædictum quoad utramque ejus partem ubicumque, & quocumque alio idioma te, seu quavis editione, & versione hucusque impressum, ac manu descriptum, aut quod absit in posterum imprimendum, & describendum tenore præsentium denuo damnamus, & reprobamus, ac legi, seu retineri prohibemus, ipsiusque libri, ac cujuslibet ejus partis impressionem, retentionem, lectionem, & usum omnibus, & singulis Christianis fidelibus, etiam specificis, & individua mentione, & expressione dignis sub pœna excommunicationis per contrafacientes ipso facto absque alia declaratione incurrenda a qua nemo a quoquam præterquam a Nobis, seu Romano Pontifice pro tempore existente, nisi in mortis articulo constitutus, absolutionis beneficium obtinere valeat, omnino interdicimus. Volentes, & auctoritate Apostolica mandantes, ut quicumque librum supradictum, vel aliquam ejus partem penes se habuerint, illum, seu illam, statim atque præsentibus literæ illis innotuerint, locorum Ordinariis, vel hæreticæ pravitatis Inquisitoribus tradere, atque consignare teneantur, hi vero exemplaria sibi sic tradita illico flammis aboleri curent. In contrarium facientibus non obstantibus quibuscumque.

§. 2. Ut autem eadem præsentibus literæ ad omnium notitiam facilius perducantur, nec quisquam illarum ignorantiam allegare possit, volumus, & auctoritate prædicta decernimus, illas ad valvas Basilicæ Principis Apostolorum, ac Cancellariæ Apostolicæ, necnon Curie Generalis in Monte Citorio, & in Acie Campi Floræ de Urbe per aliquem ex Curforibus nostris ut moris est publicari, illarumque exempla ibidem affixa relinqui, ita ut sic publicatæ omnes, & singulos, quos concernunt, perinde afficiant, ac si unicuique illorum personaliter notificatæ, & intimatæ fuissent. Ipsarum vero literarum transumptis, seu exemplis, etiam impressis manu alicujus Notarii publici subscriptis, & sigillo

Damnatio, & prohibitio altera libri prædicti cum mandato illum tradendi Ordinariis, vel Inquisitoribus.

Clausula.